



O'ZBEKISTON RESPUBLIKASI VAZIRLAR MANKAMASI

20 21 yil « 10 » февраль

№ 05/122-6

Toshkent sh.

**Ўзбекистон Республикаси
Олий Мажлис Қонунчилик
палатаси депутатлари**

**Ж. Абдурасуловга,
Қ. Джураевга,
О. Литвиновага**

Ўзбекистон Республикаси Президенти томонидан республика автомобиль йўлларида, шаҳарлар ва бошқа аҳоли пунктлари кўчаларида қулай жамоат транспортлари ва автотранспорт воситаларининг хавфсиз ҳаракатини ташкил этиш бўйича тегишли топшириқлар бериб борилмоқда.

Хусусан, Давлат раҳбари ҳузурида ўтказилган бир қатор муҳокамаларда Тошкент шаҳрида йўл-транспорт коммуникациясини ривожлантириш, аҳолининг хавфсиз ҳаракати ҳамда тирбандликни олдини олишга қаратилган мавжуд муаммоларни ҳал этиш мақсадида Туркиянинг “Kalyon Ulashtirma anonim sirketi” компаниясини жалб қилган ҳолда Тошкент шаҳри йўл-транспорт тизимини бошқаришни такомиллаштириш концепцияси ишлаб чиқилди.

Мазкур концепцияга мувофиқ шаҳарнинг экологик ҳолатини яхшилаш билан бирга шаҳар кўчаларида тирбандликни олдини олиш, чорраҳаларда транспорт воситалари ҳаракатини тартибга солиш, жамоат транспорти ҳаракатини оптималлаштириш орқали аҳолининг хавфсиз ҳаракатини таъминлаш мақсадида манзилли дастур лойиҳаси тайёрланди.

Бундан ташқари, Кичик халқа автомобиль йўлининг ушбу қисмида тирбандликни олдини олиш мақсадида Мустақиллик шох кўчасига олиб борувчи (собик Пушкин проспекти) ёпилган автомобиль йўлини қайта тиклаш масаласи ўрганиб чиқилмоқда.

Ўз навбатида, Тошкент шаҳри Элбек кўчаси давомида жойлашган Ташсельмаш заводи омборхонаси ҳудудидан тўғри йўл ўтказиб, ушбу йўлни Кичик халқа автомобиль йўлига туташтириш масаласи бўйича йўлланган Депутатлик сўрови (14.01.2021 йил; 15/1-01ДС-сон)

ўрнатилган тартибда “Ўзбекистон темир йўллари” АЖ, “Худудий электр тармоқлари” АЖ, Тошкент шаҳар ҳокимлиги ва “Тошшаҳартрансхизмат” АЖ билан биргаликда кўриб чиқилмоқда.

Бугунги кунда мазкур ташкилотлар томонидан юқоридаги манзил орқали янги автомобиль йўлини қуриш бўйича техник имкониятлар ҳамда дастлабки ҳисоб-китоб ишлари олиб борилмоқда.

Кўтарилган масалани ҳал этиш юзасидан аниқ таклифлар ишлаб чиқилгандан сўнг, мазкур автомобиль йўлини қурилиши тўғрисидаги батафсил маълумотлар қўшимча равишда жорий йилнинг 1 мартига қадар тақдим этилади.

**Бош вазирнинг
биринчи ўринбосари**



А. Раматов